

國策地名考卷七

楚下

巫郡

見上汾涇之... 郡補曰南郡之西界

案漢志南郡有... 經注秦省郡立縣以隸南

郡蓋即楚巫郡也地據巫山之險因以為名正義楚

自梁州漢中郡南有巴渝過江南有黔中巫郡括地



歙 程恩澤 纂

梁陽 狄子奇 箋

國策地名考卷七

歙

程恩澤

纂

溧陽 狄子奇 箋

楚下

巫郡

見上汾涇之塞下原注屬南郡補曰南郡之西界恩

澤案漢志南郡有巫縣水經注秦省郡立縣以隸南

郡蓋卽楚巫郡也地據巫山之險因以爲名正義楚

自梁州漢中郡南有巴渝過江南有黔中巫郡括地

國策地名考卷七

志巫郡在夔州東百里通典夔州巫山縣楚置巫郡

於此又曰今歸州巴東縣地理通釋故城在今巫山

縣北本後漢書注今在巫山縣東而湖北宜昌府之巴東

施南府之恩施建始三縣皆其地也

巫

同上龜塞章秦果舉鄢郢巫上蔡陳之地恩澤案巫

卽巫郡

黔中

見上汾涇之塞下案見秦

國朝古

六部

纂

上庸

秦策秦武王謂甘茂曰章南取上庸恩澤案取者取之於楚也餘見秦

枳

同上夏水章楚得枳而國亡原注屬巴郡恩澤案漢

志巴郡有枳縣華陽國志云陵巴之南鄙從枳縣入

沂涪水有明月峽廣德嶼水經注江之南岸有枳縣

治華陽記曰枳縣在江州巴郡東四百里治涪陵水

會庾仲雍所謂有別江出武陵者也正義今涪州城

國策地名考卷七

二國雅堂叢書

在秦枳縣元和志涪州賓化縣今南川縣本漢枳縣地與

荆楚界相接胡三省曰漢之涪陵今彭水縣今之涪

陵乃漢枳縣也錢坫謂漢之涪陵即今涪州因以漢枳縣在今重慶府城西北一百五十

里非是洪亮吉曰今四川重慶府之涪州及長壽南川

二縣皆漢枳縣地其故城在涪州西

巴蜀

同上汾陘之塞章寡人之國西與秦接境秦有舉巴

蜀并漢中之心案並見秦

漢中

見上又見秦策秦取楚漢中又云南亡鄢郢漢中案

見秦

郇陽

見上汾涇之塞下原注徐注今順陽屬汝南括地志正義並

主此說正曰索隱云郇陽當是新陽汝南有新陽縣在

新水之陽恩澤案二說皆非也正義又云順陽地理即培陽尤誤

志漢中郡旬陽縣後漢省北山旬水所出南入沔東有

旬關師古曰漢中旬水上之關也丁度云洵水在晉陽非是寰宇

記郇陽金州縣輿地廣記金州洵陽縣即楚郇陽也

國策地名考卷七

三 粵雅堂叢書

楚世家秦復與楚上庸正義云今房州竹山縣及金

州是又云割上庸漢北地予秦正義云割金房均三

州及漢水之北則其地本相接也通雅郇陽在鄖漢

之閒酈商攻旬關正義曰在金州據此則正義蓋並存罷說今漢

中興安州魏之金州也洪亮吉曰今爲陝西興安府

洵陽縣郇旬洵三字並通又商州鎮安縣亦其地

北地

同上扞關章秦舉甲出之武關南面而攻則北地絕

原注北竟之地非幽州郡恩澤案楚北竟之地自汾

陘以北郟陽以南皆是

南陽

同上陘山章魏戰勝楚敗於南陽原注荊州郡非修

武所謂恩澤案漢志荊州有南陽郡劉熙曰在中國

之南而居陽地故曰南陽張衡曰陪京之南居漢之

陽是也今為河南南陽府此地分屬楚韓二國故宛

穰等縣既見於韓又見於楚後皆為秦有一彼一此迄無

一定茲仍分見焉

宛

國策地名考卷七

四 粵雅堂叢書

西周策辭公以齊為韓魏攻楚章取宛葉以北原注

屬南陽補曰宛鄧州縣恩澤案漢志南陽郡宛縣故

申國秦本紀昭王十五年白起攻楚取宛十六年封

公子市於宛韓世家釐王五年創秦昭王十六年秦拔我宛

是宛本分屬楚韓二國而秦并之者也至昭王二十

七年使司馬錯攻楚赦罪人遷之南陽於是宛兼南

陽之名三十五年遂置南陽郡治宛括地志城在宛

大城南見水經注其西南二縣皆故宛城也今為河南南

陽府南陽縣 楚別有一宛在今荊門州見上隨下

穰

魏策穰侯攻大梁章君攻楚得宛穰以廣陶案見秦

葉

見上宛下原注屬南陽補曰葉汝州縣恩澤案漢志

南陽郡有葉縣楚葉公邑皇覽縣西北三里有葉公諸梁冢近縣祠之曰葉君

邱有長城號曰方城元和志後漢書謂葉縣為小長

安按郡國志注小長安在育陽縣與葉非一地言土沃人豐也閻若璩曰

葉故城距今縣二十里有方城山蓋楚適諸夏必從

此出故連山累石於此以為固高士奇曰葉有東坡

國策地名考卷七

五粵雅堂叢書

東西十里南北七里志稱沈諸梁所鑿其故城在今

南陽府葉縣南或作東三或作二十里舊縣鎮

葉庭

東周策秦興師臨周章謀之於葉庭之中原注即南

陽葉也補曰姚云後語作章華之庭恩澤案楚章華

臺甚多然未有以為葉庭者當依本文解之為是

黃棘

秦策謂秦王曰章取黃棘而韓楚之兵不敢進原注

正義曰蓋在房襄二州恩澤案今南陽府新野縣東

北七十里有棘陽城古謝國也地在棘水之陽故曰棘陽或謂之黃棘卽秦楚盟處或曰在今湖北鄖陽府鄖西縣之黃山

鄧

秦策秦取楚漢中章韓魏閒楚之困乃南襲至鄧

澤案鄧有三一在今湖北襄陽府襄陽縣東北二十

里古鄧國也漢志南陽郡鄧縣故國

楚文王滅之

括地志

故城在襄州安養縣北二十里

元和志作臨漢縣東北二十二里

是

也一在今河南南陽府鄧州亦古鄧國地

一統志以此為鄧國

國策地名考卷七

六 粵雅堂叢書

以襄陽之鄧城為鄧國地江永主之荀子所謂鄧林也

路史云古鳳林

其地多

名材山高水深舟車轉泊號為陸海卽秦穰邑與襄

陽接境一在今河南許州鄖城縣東南三十五里名

鄧襄城亦曰鄧城蓋本楚地昭十三年蔡公召子干

子皙盟于鄧杜注潁川召陵縣西南有鄧城括地志

故鄧城在豫州鄖城縣東三十五里正義曰在召陵

縣西十里是也凡左傳桓二年蔡侯鄭伯會于鄧

服虔

賈逵以此為古鄧國路史以此為蔡地成九年鄭伯會楚公子成于鄧

史記秦昭王十六年司馬錯取鄧封公子惲

元和志以此為

襄陽鄧塞皆此地卽韓魏所襲也 隱十年盟于鄧杜注

魯地路史黃帝臣鄧伯温國與南陽子姓之鄧說文作曼

姓與左有別當在今兗州府境又括地志云故鄧城在懷州

河陽縣西三十一里六國時魏邑張宗泰曰今輝縣

亦有鄧城長泉水發源於修武縣之白鹿山伏流十

三里而見於鄧城見水經注均與楚無涉

### 上蔡

見上巫下原注見秦策屬汝南恩澤案地理志汝南郡

有上蔡縣故蔡國周武王弟叔度所封度放成王封

### 國策地名考卷七

七粵雅堂叢書

其子胡十八世平侯徙新蔡宋忠以為胡徙新蔡非是應劭曰九江

有下蔡卽州來昭侯所徙故此稱上亦謂之蔡陽孔氏曰蔡

城在蔡水之陽也正義上蔡縣在豫州北七十里縣

外城古蔡國城也今屬河南汝寧府今修武縣亦有蔡城當是蔡叔

監殷時封邑水經注引竹書紀年云魏章率師及鄭師伐

楚取上蔡則上蔡本楚地惟謂白起攻楚時舉之似

### 非事實

### 葉蔡

同上夏水章則以葉蔡委于魏恩澤案葉卽葉縣蔡

卽上蔡縣也或曰楚滅蔡使葉公主之故稱葉蔡似亦可備一說

陳蔡

秦策蔡澤見逐於趙章南攻揚越北并陳蔡

恩澤

案

陳卽故陳國蔡卽故蔡國也但考左傳及史記楚惠王十一年滅陳四十二年滅蔡俱在悼王以前茲乃云吳起佐悼王南攻北并豈惠王時復如平王故事更封之耶姑錄之以俟考

據齊策則魏惠王時尙有陳蔡又在楚悼王之後

新城

國策地名考卷七

八  
粵雅堂叢書

本策城渾出周章南遊於楚至於新城原注新城蓋河南密也正曰下章言新城陽人陽人在汝州當是

與此近者

恩澤

案新城有四俱在今河南省一在歸

德府商邱縣文十四年諸侯同盟於新城郡國志梁國穀熟縣有新城是也一在開封府密縣僖六年諸侯圍新城傳曰實新密是也一在許州襄城縣括地志許州襄城縣卽古新城縣是也一在河南府洛陽

縣地理志河南郡新城縣故戎蠻子國是也

此外如秦之少

梁晉之曲沃皆號新城又燕有北城此新城與周相城北海郡亦有新城縣均與楚無涉

近在宜陽今宜陽縣陽人在今汝州之間並見本策當是洛陽括地

志洛州伊闕縣隋開皇十八年改置本漢新城縣在州南七十

里其地正當汝州之北宜陽之東楚南境也

陽人

本策韓公叔有齊魏章矯以新城陽人子太子原注

南陽縣有陽人聚補曰括地志陽人在汝州葉縣西

恩澤案漢志河南郡梁縣有陽人聚秦滅東周遷其

君於此徐廣曰在洛陽南百五十里梁新城之閒梁

今汝州新城在洛陽南七十里而陽人在梁縣西四

國策地名考卷七

九 粵雅堂叢書

十里約距新城四十里是在其閒也舊注南陽縣當

作河南郡今秦本紀注引地理志本葉縣當作梁縣

成陽成本

同上鼂塞章襄王流揜於成陽原注成陽屬汝南補

曰史東北保于陳城當是指此城爾恩澤案漢志汝

南郡有成陽侯國水經注淮水逕成陽縣故城南卽

此今在河南汝寧府信陽州東北又光州息縣及固

始縣西俱有成陽城見方輿紀要當時襄王自郢保陳路

必經此或先在光汝一帶流揜數日然後東保陳城

未可知也

張氏釋地說同

鄢陵

見上夏下

恩澤

案通鑑秦始皇二十二年李信攻楚

鄢郢胡三省曰時楚遷壽春所謂鄢者即春秋鄭伯

克段于鄢之鄢郢則陳州也據此則鄢陵疑即今開

封府鄢陵縣然襄王時尙未遷陳又或在宜城亦未

可定

南鄭

韓策楚圍雍氏章出兵於三川以待公殆不合軍於

國策地名考卷七

十

粵雅堂叢書

南鄭矣

恩澤

案此南鄭即新鄭也是時楚圍雍氏其

地在今開封府扶溝縣之西禹州之東與新鄭相近

秦雖聲言救韓實持兩端故曰殆不合軍於南鄭舊

注因上云請道於南鄭藍田以入攻楚謂此南鄭亦

漢中縣又因史記無軍於南鄭四字以此為衍文俱

誤秦策云楚臨南鄭則新鄭稱南鄭已有明徵矣

策言之當以上南鄭為漢中下南鄭為新鄭

水經注云沔水又東謂之

鄭公潭言鄭武公與昭王同溺水非也斯乃楚之鄭

鄉守邑大夫僭言公爾據此則楚別有鄭地在今江

夏武昌等處當存以備參

三川

見上下又云公戰勝楚遂與公乘楚易三川而歸公戰不勝楚楚塞三川而守之公不能救也

恩澤

案此

卽韓三川也高誘曰三川謂宜陽以一縣言張守節

曰三川謂洛州以一郡言

又云三川河南之地兩川之間

國策所云

三川不過如此呂祖謙曰三川在今爲衛懷孟開封

鄭河南汝陝虢拱之地則據秦三川郡言其域廣矣

潁川

國策地名考卷七

七

粵雅堂叢書

同上桂陽章公何不以秦爲韓求潁川於楚此乃韓之寄地也原注此本韓地楚取之故云

恩澤

案漢志

豫州有潁川郡爲今河南開封陳州南陽及許汝二州之地當時潁川亦斷不至此顧祖禹曰今禹州陽

翟縣

今以陽翟并入禹州屬開封府

蓋專就郡治言

上梁

同上新城章鄭魏之弱而楚以上梁應之原注此山陽濟陰故梁近楚故也正曰故梁在汝州西南此云

上梁非是

恩澤

案楚語惠王以梁與魯陽文子文子

辭曰梁險而在北境則梁爲楚地已久左傳所云封

畛于汝是也惟策云新城上梁相去五百里張氏琦疑相去

五百里句上下互易似亦有見詳見魏新城在洛陽南七十里距汝州

不及百里則此上梁非汝州梁縣可知然鮑云山陽

濟陰故梁固謂地理志之山陽濟陰二郡皆漢梁國

地非謂汝州也惟濟陰非楚地山陽又太遠今充州府

今考之當在河南歸德府亦漢梁國地距新城約五

百里秦爲碭郡故楚地漢初改稱梁國必非無因也

方輿紀要以爲卽南梁則仍在汝州矣左傳脾上梁之間大事表

國策地名考卷七

七

國雅堂叢書

謂在今內黃縣西南卽牽也與此異杜注牽在魏郡黎陽縣

下東國

齊策楚王死章君何不畱楚太子以市其下東國高

注下東國楚東邑近齊鮑注卽楚策東地蓋楚國之

東其地近齊楚地高而此下恩澤案胡三省曰楚滅

陳蔡封畛于汝滅越取吳故地并有古徐夷之地皆

在淮北卽楚所謂下東國

東國

同上宛章欲王令楚割東國以與齊高注楚東國近

齊南境者鮑注楚之東地卽楚策下東國恩澤案正

義曰東國謂下相僮取慮也張氏釋地下相故城在今睢寧縣境取慮在今靈璧縣北七十里僮

顧祖禹曰謂壽春以東

### 東地

本策楚襄王爲太子之時章予我東地五百里乃歸

子恩澤案胡三省曰東地蓋楚之東境淮汝之地也

合而考之殆卽東國之地方五百里耳

### 泗上

同上新城章今邊邑之所恃者非江南泗上也恩澤

### 國策地名考卷七

三粵雅堂叢書

案正義曰泗上徐州春秋時楚北境也胡三省曰楚

蠶食魯國有泗上之地今按楚世家楚自越滅吳卽

東侵廣地至泗上不待取之於魯亦非獨徐州也

### 泗北

同上郢章齊人南面泗北必舉恩澤案言泗北則爲

今山東兗州濟寧等處矣此皆齊地意必有與楚境

相錯者

### 方與

同上魏氏將出兵而攻畱方與銍胡陵碭蕭相故宋

必盡原注方與屬山陽恩澤案漢志山陽郡左傳杜注作高

平即山陽也通雅謂在澤州非是有方與縣即魯唐邑亦作棠縣北

重鄉城即左傳甯母及重館也楚世家外擊定陶則大宋方與二郡

者舉矣即此地元和志魚臺縣城即漢方與縣城也

今在山東濟寧州魚臺縣北

### 胡陵

見上原注屬山陽恩澤案地理志山陽郡有湖史記項羽

本紀曹參世家並作胡與策同陵縣又廬江郡亦有湖陵縣今為安徽太湖縣郡國志作

湖陸章帝更名劉昭曰前志王莽改曰湖陸故城在方與

### 國策地名考卷七

十四 粵雅堂叢書

縣東南說文荷澤水在胡陵水經注泗水逕郟鑿城

北又東南逕湖陵城寰宇記在魚臺縣東南一里今

在魚臺縣之東南六十里又在徐州府沛縣北五十里

### 沛

魏策楚許魏以六城章楚破南陽九夷內沛原注沛

豫州郡內言入其地正曰內沛地名必屬豫州者恩

澤案吳以內字連沛為地名當以鮑注為正漢志沛

郡有沛縣水經注昔許由隱于沛澤縣即澤為名寰

宇記左傳齊侯田于沛即此據左傳齊侯田于沛杜注即貝邱也與此非一

地今江蘇徐州府沛縣治東南微山下有沛故城方輿紀要以爲本古偃陽國非是偃陽在今兗州府澤縣

雷

見上方與下原注屬楚國恩澤案地理志楚國有雷

縣郡國志屬彭城國又地理志有陳雷縣孟康曰雷鄭地後爲陳所并故曰陳雷與

此非一地臣瓚曰宋亦有雷彭城雷是也發墨守雷在陳宋之東水經注

沛水東南過沛縣東北又東南過雷縣北雷縣故城

翼佩泗濟宋邑也春秋傳所謂侵宋呂雷者也括地

志雷故城在沛縣東南五十五里元和志寰宇記並同今沛縣

國策地名考卷七

五 粵雅堂叢書

東南五十里有雷城鎮

碭

同上原注屬梁國恩澤案地理志梁國有碭縣郡國

志作碭山縣水經注獲水又東逕碭山縣故城北應

劭曰縣有碭山在東今在東南七十里出文石秦立碭郡蓋

取山名正義今碭山縣是也顧祖禹曰今徐州府碭

山縣東洪亮吉作南三里有碭縣故城錢坫謂在河南歸德府永城縣北疑

誤地雖接壤然僅在碭山縣東南三里則不得在永城審矣

蕭

同上原注屬沛

恩澤

案漢志沛郡有蕭縣故蕭叔國

宋別封附庸也北征記城周十四里

路史引作四十里

南臨

汙水

路史引作汙水蓋誤

高士奇曰蕭有二城北城去南城二

十里南城即故蕭國相傳蕭子避暑城也唐以前縣

治北城宋以後皆治南城明萬厯閒徙于三台山南

麓古蕭城在縣北十里今同

### 彭城

本策昭奚恤與彭城君議於王前章原注彭城屬楚

恩澤

案地理志楚國有彭城縣古彭祖國郡國志作

### 國策地名考卷七

志

粵雅堂叢書

彭城國世本堯封彭祖于彭城號大彭氏國於此北

征記城北六里有山臨泗水經注獲水又東至彭城

縣北東入於泗城殷大夫彭祖之國也于春秋為宋

地孟康曰舊名江陵為南楚陳為東楚彭城為西楚

文穎曰彭城故東楚也項羽都謂之西楚

正義彭城徐州所理縣也州東

外城古之彭國今徐州府銅山縣即其地也

### 相

見上方與下原注屬沛

恩澤

案漢志沛郡有相縣

志陳國苦縣春秋時曰相今為鹿邑縣又臨淮郡有下相縣今為宿遷縣俱非一地左傳桓十

五年會于袤一作榮在縣西南卽此水經注相爲睢水之別

名應劭曰縣以水名元和志故城在符離縣西北九

十里寰宇記古相土所居宋共公自睢陽徙都於此

說見水經注洪亮吉曰今宿州西北有相山下有漢相縣

故城址卽相土舊都之所

銍秦本紀作鉞

同上原注屬沛恩澤案漢志沛郡有銍縣注云故城

今臨渙縣也錢坫曰在今安徽鳳陽府宿州西南九

十里方輿紀要云宿州南四十里有銍城未知孰是

國策地名考卷七

七 國朝雅堂叢書

淮北

同上甬塞章於是乃以執珪而授之爲陽陵君與淮

北之地原注句上有缺文新序云與舉淮北之地十

二諸侯後語云與謀秦復取淮北之地大事記復取

江南史作旁十五邑在頃襄二十三年恩澤案策文與

字蓋舉字之訛非有缺也注謂淮北之地卽楚世家

所云復西取秦所拔我江旁十五邑亦未是世家所

云指黔中巫郡言故曰西取若淮北則楚之東南非

西也說見齊策

江東

本策楚王問於范環曰章昧之難越亂故楚南察瀨湖而野江東原注以江之東為野恩澤案史記甘茂

列傳故楚南塞厲門而郡江東正義曰吳越之城皆

為楚之都邑春申君列傳因并獻淮北十二縣請封

于江東因城故吳墟以自為都邑正義曰今蘇州也

此說非是以今考之凡元和志之江南東道輿地廣

記之江南東路皆古江東地

瀨湖

國策地名考卷七

六 粵雅堂叢書

見上原注南陽有厲音賴正曰史作塞厲門地皆未

詳恩澤案地理志南陽郡隨縣有厲鄉故厲國也其

地在今湖北德安府隨州北百八十里乃楚之北境

非南境也且距江東絕遠與越地亦迴不相涉又不

聞有湖其誤無疑厲本音賴其地又有溧水注溧見元和志故易混寰宇記

按滕公廟記云古固城是吳瀨諸同縣地楚靈王與

吳戰遂陷此城吳移瀨諸縣於溧陽十里改陵平縣

平王時又與吳戰吳軍敗收陵平縣改為固城或曰即左

傳昭十二年所至伍員破楚楚奔南海固城宮殿遂云圍固城是也

廢顧祖禹曰固城在今江寧府高淳縣南十五里春

秋時吳所築瀨渚邑漢置溧陽縣於此此與寰宇記小異蓋溧陽

縣本在固城後乃東徙也其西南五里為固城湖俗名石景湖殆即所

謂瀨湖也今溧陽縣有投金瀨亦與此相近蓋本一水古所云永陽江也此於戰國

時為越地又與金陵邑即今江寧府相近自此以東則江

東矣瀨本與厲通而溧陽之溧土音又與厲同故遂訛為厲門然徐廣云一作瀨胡則史記本與國

策

春申

本策唐睢見春申君曰章原注楚相黃歇恩澤案實

國策地名考卷七

九粵雅堂叢書

宇記楚相黃歇封為春申君本在壽州為去齊近為

齊所侵迫徙都於吳封為春申君開申浦在今武進縣北七十

里置田有上屯下屯今無錫惠山寺有黃歇廟又湖

州有菰城在今烏程縣南二十五里皆春申故地據此則歇之封

地由淮北而江東而浙西其域屢遷而所謂申浦者

則春申之所由名也史記正義既以春申為號諡又

以本傳故吳墟為今蘇州俱誤故吳墟在今無錫縣

梅里與申浦相近

句章

同上江東章且王嘗用召滑於越而納句章史作行章非是

原注屬會稽恩澤案漢志會稽郡有句章縣注引山

海經曰句餘之山無草木多金玉郭璞曰山在餘姚

南句章北故二縣因以為名即甬東也顧棟高曰甬東為今定海

縣國語作甬句東明其地在甬句之東也今按圖十經甬東在今鄞縣西距定海三百餘里似非一地

三州志句踐之地南至句無後并吳因大城之章霸

功以示子孫故曰句章秦置句章縣水經注江邊有

查浦浦東行二百餘里與句章接界圖經鄞縣西原

東疑有甬東及句章故城寰宇記句章故城在明州

誤

### 國策地名考卷七

三 國雅堂叢書

鄞疑當作鄞宋無鄞縣西路史句章故城在明之鄞縣西今

按句章本是華平山四明接其東嶺天台續其南峯

故城在今浙江寧波府慈谿縣西南三十五里錢坫作十

五里洪亮吉城山渡東其在唐之鄞縣宋之鄞縣西

者乃晉隆安四年所遷之城在今寧波府鄞縣南小

溪鎮雖接壤而非一地

### 東海

同上扞關章楚國僻陋託東海之上恩澤案釋例海

自遼西北平漁陽章武渤海樂陵樂安北海東萊城

陽東海廣陵吳郡會稽十四郡之東界以東今自海州以南寧波以北皆楚境也所謂東海也

### 海陽

見上汾涇之塞下原注海之南耳非遼西郡也正曰

盧藏用云在廣陵東今揚州海陵縣劉氏云楚之東

恩澤

案周書王會解有海陽大嶰注云海水之陽史

記高祖功臣侯表有海陽索隱曰海陽亦南越縣地

劉伯莊云楚并吳越地東至海海陽蓋楚之東南境

路史漢之揭陽亡餘所封

水經注以為在遼西非是

今潮之海陽

### 國策地名考卷七

三 國雅堂叢書

縣地理通釋楚威王六年敗越盡取吳故地至浙江

左傳楚奄征南海則自春秋以來楚已跨及蠻越矣

若僅以今揚州府泰州

漢海陵縣

當之似不足以盡其疆

域惟於東字差合耳

### 重邱

本策術視伐楚章昭睢勝秦於重邱原注屬平原正

曰恐非

恩澤

案重邱有二左傳衛孫蒯飲馬于重邱

曹地也在今曹縣東北五十里諸侯同盟于重邱齊

地也在今聊城縣東南五十里

在平縣西南二十里

但此皆非

楚境所及史記正義謂在冀州城武縣界見樂毅列傳亦

似誤文冀州蓋曹州之訛胡三省曰呂氏春秋齊合章子與

韓魏攻荆荆使唐蔑將兵應之夾比比當作泚下並同見水經注及

文選南都賦注後漢伯升傳同漢志作泚者非泚出廬江郡濳縣泚山泚出泚陽東北太湖山二字迴別

而軍章子夜襲之斬蔑于是水之上水經注泚水又

西澳本作藥文選注同水注之水北出茈邱山南入於泚水

意者重邱卽茈邱也洪亮吉曰今南陽府泌亦當陽作泚

縣西北三十里有慈邱山澳水出焉水經注作茈邱

云古名重邱史記秦會韓魏齊兵伐楚敗之於重邱

國策地名考卷七 三 粵雅堂叢書

卽此今按水經注並無茈邱古名重邱之文洪蓋誤

以胡注爲酈注惟楚世家云殺將軍唐昧取我重邱

而去此云勝秦於重邱恐非一地當從闕疑

垂沙

本策蘇子謂楚王曰章垂沙之事死者以千數原注

未詳兵畧訓楚兵殆于垂沙亦不注史記禮書兵殆於垂沙唐昧死

焉許慎曰垂沙地名也涉蓋沙字之訛張宗泰曰涉沙聲相近恩澤案荀子議兵篇

兵殆于垂沙唐蔑死傷倥注垂沙地名未詳所在漢

地理志沛郡有垂鄉豈垂沙乎今按史記楚懷王一

十八年秦與齊韓魏共攻楚殺楚昧取我重邱而去  
昧與蔑同據此則垂沙之事卽殺唐昧之事秦本紀  
昭王八年楚懷王三十年齊使章子魏使公孫喜韓使暴鳧  
共攻楚方城取唐昧則垂沙當卽在方城內外上條重邱  
在泚陽卽今南陽府正興方城相近惟策與史互異故難臆斷但難確言其處耳固  
非沛郡鄆縣之垂鄉也

疏章

燕策蘇代謂燕昭王曰章楚不出疏章原注地缺

壽陵

國策地名考卷七

三 粵雅堂叢書

見上夏下

恩澤

案通鑑秦莊襄王二年五國攻秦取

壽陵至函谷徐廣曰在常山正義曰趙邑也胡三省  
曰當在河東郡蓋以秦本紀作秦卻于河外故也然  
河南亦稱河外則卽謂壽陵在新安宜陽之間亦無  
不可但此雖楚境所及未必卽壽陵君之邑也或曰  
壽陵卽今壽州亦無確證

陽陵

見上淮北下原注新序作成陵今無考

棘門

本策楚考烈王無子章止於棘門之內原注宮門以棘衛之恩澤案史記正義曰棘門壽州城門蓋以考

烈王遷都壽春望文生義而爲此說就策文審之仍

以舊注爲是

### 章臺

本策蘇秦爲趙合從說楚威王曰章今乃欲西面而

事秦則諸侯莫不南面而朝於章臺之下矣原注秦

臺在咸陽恩澤案秦本紀楚懷王西至咸陽朝章臺

如藩臣禮孟康曰章臺在長安中三輔黃圖章臺宮

### 國策地名考卷七

國雅堂叢書

在漢長安故城西秦宮也中有章臺因名孔氏曰臺

在渭南按秦都渭北而當時朝章臺稱咸陽者通長安而言也此舊說所本也

但既云西面事秦又云南面朝章臺殊參差不合史

遷知其難通故於下句亦改作西面見蘇秦列傳竊疑策

文不字蓋衍或有誤言楚既西面事秦則諸侯無南面

事楚者所謂秦強則楚弱也夢溪筆談亳州城父縣

南九里見郡志陳州商水縣西北三里見方輿紀要荊州江陵東

十五里沙市亦長林無考監利縣見杜注晉爲華容縣俱有章華

臺魏書地形志汝陽郡汝陽縣注云亦有章華臺此當主江陵志云故楚離

官也渚宮故事靈王所築臺形三角亦曰豫章臺今  
爲章臺寺俞理初曰靈王所築當在乾谿今亳州也  
按左傳楚子爲章華之臺在死於乾谿之  
前當仍以在  
江陵爲是

國策地名考卷七

三

國雅堂叢書

國策地名考卷八

歙 程恩澤 纂

溧陽 狄子奇 箋

趙上

原注初分晉得趙國北有信都真定常山中山又得涿州之高陽鄭州鄉東有廣平鉅鹿清河河閒渤海之東平舒中邑文安東州成平章武河以北南至浮水繁陽內黃斥邱西有太原定襄雲中五原上黨張氏琦曰代雁門二郡亦屬趙自今直隸廣平順德正

國策地名考卷八

一 國朝雅堂叢書

定河閒保定深冀祁定晉蔚等府州及大名之磁州南樂山東之臨清恩縣河南之臨漳內黃武安涉縣山西之遼沁趙城石樓以北兼有陝西之榆林府河套等地 恩澤 案趙嬴姓與秦同祖蜚廉四世至造父

始封趙城今山西平陽府趙城縣 通志以趙都趙城遷於平棘為今直

隸趙州 又七世至叔帶自周適晉又五世至趙夙邑 似誤

於耿今絳州河津縣成子居原即故原國今河南懷

慶府濟源縣 西北十五里 簡子居晉以今山西太原府太

原縣獻侯治中牟今河南彰德府湯陰縣 漢志繫河南中牟下

非後復居晉陽肅侯徙都邯鄲按竹書及地理志俱是後復居晉陽肅侯徙都邯鄲作敬侯徙邯鄲胡三省曰成侯二十二年魏克邯鄲三十四年魏歸邯鄲成侯敬侯子也若敬侯已都邯鄲安有魏克其國都而不亡者蓋肅侯三年趙始都邯鄲也今直隸廣平府邯鄲縣自趙夙

後九世至籍為諸侯又八世至王遷為秦所滅初

學記三家分晉自澤潞而南至衛州盡太原已北屬

趙史記正義趙東鄰燕齊西邊秦樓煩南界韓魏北

迫匈奴地理通釋趙居邯鄲燕之南齊之西魏之北

韓之東故韓非曰中央之國

晉陽

國策地名考卷八

二 粵雅堂叢書

秦策張儀說秦王曰章智伯帥三國之眾以攻趙襄

主於晉陽高注晉陽趙氏邑補曰晉陽漢太原郡所

治龍山在西北晉水所出恩澤案漢志太原郡晉陽

縣故詩唐國周成王滅唐封弟叔虞水經注叔虞封

于唐縣有晉水故改名曰晉括地志故唐城在晉陽

縣北志又云故唐城在絳州翼城縣西二堯所築叔

虞始封此此相沿舊說也而實不然皇甫謐曰堯始

封于唐今中山唐縣是也後徙晉陽及為天子都平

陽于詩為唐國則唐國在平陽也詩譜所云故夏墟原指平陽說故曰

其封域在大岳之野若在晉陽則與太岳無涉矣

水經注又云汾水南過永安縣西歷唐城東臣瓚曰堯所都也東去堯即太岳

十里應劭曰順帝改堯曰永安今汾西縣屬平陽府則瓚以唐

國為永安也顏師古主此世本居篇唐叔虞居鄂宋忠曰

鄂在大夏張守節曰故鄂城在慈州昌寧縣東二里

與絳州夏縣相近禹都安邑故城在縣東北十五里

故云在大夏今為鄉寧縣屬平陽府列國興廢說成

王封叔虞于唐始都翼杜預曰晉舊都在平陽絳邑

縣東鄭樵曰唐城在絳州翼城西二十里以有晉水

出焉改為晉水經注平水俗名晉水括地志平陽河水一名晉水其地正名翼

亦名絳而平陽者是其總名今為平陽府翼城縣顧

炎武曰翼北距晉陽七百餘里潛邱劄記作六百五十里即後世

遷國亦遠不相及全祖望經史問答謂初封晉陽後轉徙于翼晉世家唐

在河汾之東方百里今翼城正在二水之東而晉陽

在汾水之西又不相合竊疑自唐叔以至侯緡並在

翼洪亮吉曰今翼城縣西有唐城東有晉城則詩之

唐國不在晉陽歷有證驗若其為趙簡邑則固無疑

耳縣西北二十里有三角城其城三面一名徒人城又曰捍胡城相傳為趙簡子所築

國策地名考卷八

三 粵雅堂叢書

邯鄲

同上拔邯鄲完河閒西攻修武踰羊腸降代上黨原

注邯鄲趙國都恩澤案漢志趙國有邯鄲縣張晏曰

邯山在東城下單盡也城郭從邑故加邑云寰宇記

云邯山至此而盡因名太平御覽邯鄲本春秋時衛

邑哀四年趙鞅降之至肅侯都焉五代時縣移今治

地理通釋邯鄲北通燕涿南有鄭衛漳河之間一都

會也故城在今直隸廣平府邯鄲縣西南二十里志

俗呼舊城為趙王城雉堞猶存有叢臺趙王故臺也

國策地名考卷八

四 粵雅堂叢書

常山

本策蘇秦自燕之趙章西有常山南有河漳東有清

河北有燕國原注見楚恆山屬趙之元氏補曰正義

云在鎮州西恩澤案爾雅恆山為北嶽管子恆山北

臨代南俯趙東接河海之間早生而晚殺五穀之所

蕃熟地理志恆山在常山郡上曲陽縣西北風俗通

恆常也萬物伏北方有常亦謂之常山白虎通陰終

陽始其道常久故曰常山地道記恆山在上曲陽縣

西北百四十里北行四百五十里得恆山岷號飛狐

口北則代郡也名山記恆山高三千九百丈七尺上

方三十里索隱常山於天下在北若人背脊元和志

恆山常水所出故曰常山或云避漢文帝諱此張晏說非

是夢溪筆談北岳謂之大茂山胡渭曰大茂山乃恆山之春俗名神尖在

今阜平縣東北七十里接曲陽界今在直隸定州曲陽縣西北百四

十里舊注謂在元氏又云在鎮州西俱誤互保定府西境及山西大同

府東境故又在渾源州南二十里水經注崞縣南面元嶽即此列

代祀典俱在曲陽 本朝順治七年始改祀渾源

張氏琦曰此據趙國都言若四封則此時西至河也

國策地名考卷八

五 粵雅堂叢書

陘山

秦策陘山之事章高注陘山蓋趙井陘塞恩澤案地

理志常山郡石邑縣西有井陘山太行第五陘也穆

天子傳天子獵於劔山即此呂氏春秋天下九塞井

陘其一淮南子同李左車曰井陘之道車不得方軌騎不

得成列最為趙之險塞正義井陘在眞州井陘縣東

南十八里即井陘口元和志井陘一名土門在縣東南八

十里其口在縣南十里四面高中央下如井故曰井

陘今在直隸正定府井陘縣東北五十里東接獲鹿縣界西接

山西平定州界 此章陘山未見得確是趙地姑依高注錄

此以俟考

羊腸 本策趙收天下章坐羊腸之上高木作羊唐

見上邯鄲下高注羊腸在太原晉陽之西北趙險塞

山形屈折狀如羊腸鮑注 見西周策 上黨壺關有羊腸坂

恩澤 案羊腸有三一在懷澤閒即太行坂道蔡澤謂

應侯曰決羊腸之險塞太行之口正義太行山坂道

盤紆如羊腸南屬懷州北屬澤州呂氏春秋九山之

一是也一在潞安府壺關縣東南百里 與澤州接界 樊餘

國策地名考卷八

六 粵雅堂叢書

謂楚王曰韓兼兩上黨以臨趙即趙羊腸以上危蘇

厲遺趙王書曰秦以三郡攻王之上黨羊腸之西 正義

曰沁州在羊腸坂西 句注之南非王有已 此趙世家文與國策小異 地理志

上黨郡壺關縣有羊腸坂是也一在太原府西北九

十里吳起曰夏桀之居伊闕在南羊腸在北 策作盧

北伊洛 出其南郡國志萬根谷山即羊腸坂 在交城縣東南五十三里 淮

南子注晉陽西北九十里有羊腸坂通河西上郡關

皇甫謐曰羊腸塞在龍山水經注倉山有羊腸坂在

晉陽西北石磴縈委若羊腸焉故倉坂取名矣 寰宇記羊

陽又古積穀之所後魏於此立倉名羊腸倉後漢書  
鄧訓傳注以羊腸倉在嵐州界羊腸坂蓋亦地相接  
今爲岢嵐州

壺關與懷澤相連而太原較遠當各依本文解之此云

西攻修武踰羊腸降  
代上黨蓋指澤潞言

### 句注

本策趙收天下章且秦以三軍攻王之上黨而危其

北則句注之西非王之有也原注屬雁門補曰在縣

西北恩澤案爾雅北陵西隩雁門是也郭璞曰卽雁

門山蓋指句注言呂氏春秋天下九塞句注其一南淮

### 國策地名考卷八

七粵雅堂叢書

子高誘曰在雁門陰館漢志雁門郡陰館縣今大同府山陰

縣有句注山地理志又云在太原郡廣武縣卽今代州地相接晉地道記北

方之險盧龍飛狐句注爲之首天下之阻所以分別

內外也河東記句注以山形句轉水勢注流而名淮南

子作句望莊達吉云注疑作注非是亦曰陘嶺自雁門以南謂之陘南

以北謂之陘北亦曰東陘西陘括地志句注與夏屋

山相連相去五十里蓋北方之險亦天下之阻元和志句

注在朔州鄯陽縣東八十里代州雁門縣西北二十

里正義作寰宇記東陘關在代郡南二十里西陘關

在雁門縣西北五十里今在山西代州西北二十五里又在朔平府朔州東南

### 馬服

秦策謂應侯曰章君禽馬服君乎原注服虔曰馬服

猶言服馬也

索隱引虞喜志林說同

崔浩曰馬服官名言服武

事也

恩澤

案馬服山名郡國志注引張華曰趙奢冢

在邯鄲西山上謂之馬服山括地志馬服山在邯鄲

縣西北十里路史國名紀今海疑之永年有馬服岡

今邯鄲縣西北三十里有紫山亦謂之馬服山蓋因

### 國策地名考卷八

八

國朝雅堂叢書

趙奢葬此而被以名

正義曰因馬服山為號似誤

則在當時固無

此稱也

### 河

同上常山章秦甲涉河踰漳據番吾則兵必戰於邯

鄲之下矣

恩澤

案水經注河水南逕西河圖陽縣東

又南逕離石縣西又東逕土軍縣西又南逕上郡高

奴縣東又南逕河東北屈縣西又南逕皮氏縣西以

今地言之凡陝西綏德州及延安府之延長延川宜

川皆古上

郡地山西保德州及寧武府之偏關太原府之

興縣汾州府之臨縣石樓永寧鄉隰州之永和太

寧平陽府之吉州鄉寧等處皆河所經皆趙地也策

云涉河踰漳據番吾在今磁州而戰邯鄲當自潼關

出兵由懷慶渡河再由彰德渡漳而後至也

### 漳

見上原注見齊說文濁漳出上黨長子鹿谷山東入

清漳清漳出沾山大窠古腰字俗作龜非谷入河南漳出南

郡恩澤案淮南墜形訓清漳出楊戾濁漳出發包即

鳩高誘注二漳合流經魏郡入清河水經淇水東北過廣宗縣謂之

### 國策地名考卷八

九粵雅堂叢書

河水經注濁漳水出長子縣西發鳩山一名鹿谷山史記正義引

括地志作力黃山後魏志作廉山蓋皆異名清漳水出沾縣今平定州樂平縣西

北少山即大自涉縣東南流至武安縣注于濁漳正義

謂漳水源出洛州武安縣三門山蓋誤世謂之交漳口山海經郭璞注

則云濁漳東至鄴入清漳地理志清漳東北至阜城

入大河說皆小異顧祖禹曰二漳至河南臨漳縣西

合焉其下流又分爲二經流自直隸獻縣合滹沱河

支流自山東館陶縣合於衛河俱經直隸靜海縣北

小直沽入海蓋皆自河入海也 通雅漳十有一皆

以清濁合流而名

沈存中以清濁相蹂者為漳漳者文也別也漳謂兩物相合有文章

且可趙之二漳本入河河東徙

周定王五年

乃專達於海

按漳水甚多惟清濁二漳為趙望鮑注兼引南漳非是

### 河漳

見上常山下又齊策張儀為秦連橫說齊王曰章秦

趙戰於河漳之上高注河漳漳水也

恩澤

案以河漳

為漳水在齊策則可在本章則河為大河漳為漳水

### 漳河

本策蘇秦說李兌曰章漂入漳河東流至海

恩澤

案

### 國策地名考卷八

十

粵雅堂叢書

此則專指漳水矣

### 薄洛水

本策武靈王平晝閒居章今吾國東有河薄洛之水

與齊中山同之原注史記安平涇水

疑作經縣

西有漳水

津名薄洛津後志安定烏枝谷名補曰淮南子嶢山

崩而薄洛之水涸注謂薄洛在馮翊臨晉今按本文

謂在趙東與齊中山同之恐皆非此所指未詳

恩澤

案郡國志安平國經縣西有漳水津名薄洛津

徐廣說同

劉昭注引此為證水經注漳水又歷經縣故城西水

有故津謂之薄洛津寰宇記落漢水在平鄉縣西當

作東南十八里古薄津也語訛故為落漢胡三省曰薄

落水在趙之東與齊中山同此地險漢經縣為今直

隸順德府廣宗縣自隋至宋為平鄉縣地正在趙之東境與齊

中山皆接壤齊在東中山在北鮑謂安平西有漳水名薄洛

津本不錯乃以安定郡烏枝有薄洛谷即開頭山為涇水

所出遂訛經縣為涇水吳知其非而不能是正反引

淮南以亂之疎矣顧祖禹曰薄洛水一名胡盧河

即禹貢大陸澤亦謂之廣阿澤酈道元以為即楊紆

國策地名考卷八

十一 粵雅堂叢書

藪在今趙州寧晉縣東南二十里按寧晉為漢癭陶

縣後漢袁紹傳大會賓徒于薄洛津注引水經注漳

水經鉅鹿故城西謂之落津郡國志鉅鹿郡癭陶縣

有薄落亭或即因水而名可備一說以俟考

滏

本策說張相國曰章前漳滏右常山左河閒北有代

原注後志滏水在鄴恩澤案山海經神囷之山滏水

出焉東流注於歐水淮南墜形訓釜出景高誘曰景

山在邯鄲西南郡國志鄴有滏水水經注滏水出鄴

西北石鼓山南巖下冬溫夏冷東流注於漳謂之合

見濁漳篇

文選注溢水熱若出於釜故以溢名元和志

釜水出磁州溢陽縣西北四十五里鼓山亦名溢山

泉源奮湧若釜水然今出直隸廣平府磁州西鼓山

東北流經邯鄲永年曲周雞澤平鄉而入大陸澤復

由鉅鹿南流至威縣合於漳

方輿紀要謂源出河南武安縣東溢口山經直

隸磁州東南流至臨漳縣西北入漳殊誤張氏琦曰溢水自明永樂中漳水北決入溢後又挾溢東南行

故道不可復述

### 晉水

## 國策地名考卷八

十一

粵雅堂叢書

秦策秦昭王謂左右曰章決晉水以灌晉陽原注出

晉陽補曰括地志晉水出并州晉陽縣西東南流注

汾水

恩澤

案山海經懸甕之山晉水出焉淮南墜形

訓晉出龍山高誘注龍山在晉陽西北地理志晉陽

有龍山晉水所出東入汾水經注昔智伯遏晉水以

灌晉陽因分為二流北瀆即智氏故渠其瀆乘高東

北注入晉陽城周迴灌漑東南出城流入於汾其南

瀆經城南亦注焉元和志晉水有三派其二派即水

經注所云又一派隋開皇四年開亦東南流入汾水

今出山西太原府太原縣西南十里懸甕山即龍山也

### 呼池

同上晉陽章中呼池以北不戰而已為燕矣原注呼

池在代鹵城恩澤案山海經泰戲之山滹沱之水出

焉穆天子傳絕錡山之隊北循虘沱之陽注今在雁

門鹵城縣淮南陸形訓呼沱出魯平孫星衍曰平疑當作乎此山亦

名武夫古聲相近按此說似未合呼池有魯沱之名

因號魯口寰宇記云出平山說文作成夫山括地志

作孤阜山無地理志虘池出代郡鹵城縣東至參戶

言魯乎者地理通釋引作參合胡渭曰參戶故城在今青縣參

合在今大同府陽和衛北與鹵城隔絕浮沱不得至

## 國策地名考卷八

三 粵雅堂叢書

其地文安入海又河開國樂成弓高渤海郡成平下俱有虘池河蓋其別流甚多故各就所在

之正義呼沱出代州繁峙縣東南流逕五臺山北又

東南流過定州入海定州距海尚遠蓋由定州至文安以東乃入海也錢坫

曰河北之水惟虘池決溢無常漸趨而南無復舊迹

### 洹水

水經又逸其文燕南趙北故道莫可考矣

同上常山章令天下之將相相與會於洹水之上原

注見秦策蘇秦傳注出林慮項羽紀注在安陽縣北前

後志在良鄉東南張氏琦曰漢志出良鄉者乃垣恩水非洹水也後志良鄉下不注

澤案地理志洹水出河內郡隆慮郡國志作林慮徐廣曰洹水所出張

宗泰曰隆林聲相近縣東北至信成今廣平府清河縣入張甲河水經

注洹水出上黨泫氏今澤州府高平縣縣東過隆慮縣北又

東北出山過鄴縣南東過內黃縣入白溝淇水過內黃縣爲白

溝亦見水經注釋例洹水出汲郡林慮縣東北至長樂縣今彰

德府安陽縣入清水三說互異今出彰德府林縣西二十

里林慮山東流逕安陽臨漳至內黃縣入衛河與釋例

合是其上流當依地理志其下流當依水經注參而

較之其失自見矣

國策地名考卷八

齒 粵雅堂叢書

清河

見上常山下案見齊

平原津

秦策鮑本屬趙文信侯出走章平原津令郭遺勞原注列

女傳有趙津吏蓋此官恩澤案史記正義德州平原

縣南六十里有張公故城城東有水津焉後名張公

渡恐此平原郡古津也漢書公孫宏平津侯所封亦

近此蓋平津卽此津胡三省曰按公孫宏封勃海高

城之平津鄉則平津非平原津也漢志篤馬河至平

原東北入海此蓋津渡處顧祖禹曰今山東平原縣屬濟南府西南有平原津黃河津濟之所也

### 河關

齊策張儀爲秦連橫說齊王曰章悉趙涉河關指博關原注河關屬金城史作清河是也正曰河之關亦通恩澤案此趙之東界蓋於清河之上設關以爲防守當在今直隸廣平府清河縣西境

### 扞關

史作挺關

同上句注章今燕盡韓之河南距沙邱而至鉅鹿之

### 國策地名考卷八

五

粵雅堂叢書

界三百里距於扞關至於榆中千五百里原注大事記扞者扞敵之扞非關名也趙之扞關陸道之關也楚之扞關水道之關也恩澤案趙世家作秦之上郡近扞關至於榆中千五百里以地形考之趙之扞關當在今陝西膚施縣一帶此本趙地而亦秦上郡邑設關於此所以扞秦胡也或曰趙扞關在晉陽以西

### 太原

東周策或爲周最謂金投曰章秦盡韓魏之上黨太

原西一作止鮑作土秦之有已原注魏地後爲秦郡恩

澤案太原趙地即晉陽也言秦誠盡得韓魏之上黨

則趙之太原以西亦當為秦有故曰制三晉之命鮑

以為魏地非是漢志并州有太原郡尚書大傳曰大

而高平者曰太原春秋說題辭曰高平曰太原原端

也平而有度一曰大鹵昭元年晉荀吳敗狄于大鹵

傳曰即太原也穀梁傳中國曰太原夷狄曰大鹵廣雅大鹵太原也又曰六夏

傳云遷實沈于大夏杜注大夏晉陽也又曰夏虛定

四年封于夏虛杜注夏虛即大夏此初沿舊說今不從又曰鄂

隱六年納諸鄂宋忠曰鄂地在元和志太原六各一作平陽無

### 國策地名考卷八

去粵雅堂叢書

稱鄂之說又曰唐地理志晉陽故詩唐國是也凡有七名

都邑記太原有三城一曰大明城古晉陽城也左

氏謂董安于所築城東有汾水南流與城西晉水匯

故智伯引汾水以灌城春秋後語謂決晉水也韓世家亦

作晉水地理通釋隋唐地理志所謂晉陽縣乃古龍山

縣所謂太原縣乃古晉陽縣北齊分晉陽置龍山縣隋開皇十年改龍山曰

晉陽而以古晉陽為太原

### 榆次

秦策頃襄王二十年章智伯見伐趙之利而不知榆

次之禍也原注榆次屬太原正曰并州縣恩澤案左

傳石言於晉魏榆服虔曰魏晉地榆州里名後謂之

榆次故址猶存水經注榆次縣故涂水鄉晉大夫智

徐吾之邑也漢書曰榆次有梗陽鄉十三州志以為涂陽

縣矣今山西太原府榆次縣西北有榆次故城

### 祁

西周策蘇厲謂周君曰章攻趙取藺離石祁者皆白

起原注祁屬太原恩澤案祁本晉大夫祁氏邑蓋以

邑為氏也後乃屬賈辛水經注侯甲水又西北逕祁

### 國策地名考卷八

七粵雅堂叢書

縣故城南自縣連延西接鄔澤在今汾州府平遙縣是為祁藪

即昭餘祁也縣殆以此得名元和志故城在祁縣東

南十五里寰宇記作五里顧祖禹曰今太原府祁縣東南錢

疑誤七里有故祁城戰國時為趙地縣西六里有趙

襄子城相傳為其所築

### 離石

見上高注離石屬西河鮑同恩澤案離石縣東北有

離石水見寰宇記又有離石山元和志今名赤洪嶺縣蓋以此名其

南有呂梁徐泗亦有呂梁與此異即尸子所謂龍門未闢呂梁

未鑿河出孟門之上者也水經注河水又南得離石水口水出離石北山南流逕離石縣故城西是其證矣寰宇記石州凡五縣離石臨泉平夷方山定胡皆離石地則亦大縣也地有南單于城卽左國城今山西汾州府永寧州寧鄉縣臨縣皆其地也

蘭

見上高註蘭屬西河鮑同恩澤案趙世家成侯三年

衛敗我蘭通釋引二十四年秦攻我蘭肅侯二十二

年秦取我蘭離石此事在白起敗韓魏殺犀武之前似非一事則蘭趙地

國策地名考卷八

六 粵雅堂叢書

也漢志西河郡有蘭縣正義曰蘭縣在石州徐廣以爲在潁

川非是正義曰潁川無蘭當是綸氏之訛今永寧州西有蘭城魏世家

武侯十五年敗趙師于北蘭正義曰在石州趙之西

北卽此地

馬陵

燕策秦召燕王章兵傷於離石遇敗於馬陵原注索

隱云並趙地恩澤案馬陵有五一在山東濮州東北

六十餘里齊地也左傳馬陵史作馬陵在益都縣西南亦齊地一在直隸

元城縣東南十里魏地也詳見一在河南長葛縣北

三十里韓地也史記韓懿侯二年一在山西榆社縣魏敗韓馬陵卽此

西北九十里則趙地也與太原府太谷縣接界策所指應在此

又郡國志河東郡平陽縣亦有馬陵今臨汾縣西南有白馬故城疑

卽其劉昭引杜注以爲衛地今無其文恐有誤衛地不得

至河東

蔡皋狼魏策作梁

本策智伯帥趙韓魏而伐范中行氏章又使人之趙

請蔡皋狼之地原注蔡非趙地皋狼屬西河補曰漢

志西河郡有皋狼縣又有藺縣蔡或藺字訛恩澤案

國策地名考卷八

九粵雅堂叢書

通鑒注司馬康曰皋狼春秋蔡地後爲趙邑胡三省

曰皋狼屬西河郡非蔡所能有或者藺字之訛藺亦

屬西河蓋卽用舊注說或曰蔡蓋宅字之訛史記孟

增幸於周成王是爲宅皋狼是也索隱曰據史記皋狼當是孟增之號

而徐廣以爲地名者蓋居以然此等處似未可決斷

趙世家云先王取藺郭狼王應麟曰郭狼疑是皋狼

張宗泰曰郭皋聲相近而與取藺連文姑從舊說爲是今永寧

州西北有皋狼故城與藺故城相近 史記建元以

來王子侯表有皋狼索隱曰在臨淮洪亮吉曰今山

西沁州武鄉縣西北五十里亦有舉狼城則舉狼更

非一地

上黨

見上邯鄲句注下高注上黨屬韓恩澤案上黨乃韓

之別都遠韓近趙後卒降趙地理志趙分晉西有上

黨則趙本有上黨也正義曰秦上黨郡今澤潞儀唐

地理志儀州即遼州先天元年避沁等四州之地兼

相州之半韓總有之至七國時趙得儀沁二州之地

韓猶有潞州及澤州之半半屬趙魏沁州在羊腸坂

國策地名考卷八

三粵雅堂叢書

之西儀并代三州在句注之南輿地廣記秦上黨郡

今澤潞遼州平定威勝軍之地今山西潞安府澤州

府遼州沁州皆是張氏琦曰今河南彰德府武安涉縣直隸廣平府之磁州亦其地

釋名黨所也在山上其所最高故曰上黨志云郡地極高與天

為黨故曰上黨非是記高平赤壤其地山阻百姓不居即

此郡也

長子

竹書作尚子

齊策蘇秦說齊閔王曰章南戰於長子敗趙氏原注

見東周策屬上黨恩澤案漢志上黨郡有長子縣周史辛

甲所封按劉向別錄辛甲事紂七十五諫而不聽之周文王以爲公卿封之長子此說恐不足信  
文王未有天下何得以長子封辛  
甲元和姓纂作封其長子較是

丹朱所築丹朱堯之長子因名師古讀長如字似非亦曰丹朱

城本晉地見左傳後屬趙國語智伯攻趙襄子將出從

者曰長子近且城厚完是也又屬韓趙世家成侯五

年韓與我長子是也竹書梁惠成王十二年鄭取純留尙子尙子卽長子也故屬韓

今山西潞安府長子縣治西南有長子城

長平

秦策昭王旣息民繕兵章長平之事原注後志泚氏

國策地名考卷八

主 粵雅堂叢書

有長平亭在上黨郡南山中百二十里補曰正義云

在澤州高平縣西恩澤案長平有二一是魏地在今

河南陳州府西華縣東南或作東北十八里地理志汝南

郡有長平縣括地志長平故城在陳州宛邱西六十

六里通鑑始皇五年蒙驁伐魏取長平是也卽左傳鬼閭其

地有辰亭所一趙地在今山西澤州府高平縣西

北二十一里又在長子縣南四十里郡國志上黨郡泚氏縣有

長平亭括地志長平故城在澤州高平縣西三十一

里卽白起敗趙括處是也上黨記長平城在郡之南

秦壘在城西城之左右沿山互隲南北五十許里東西二十餘里悉秦趙故壘遺壁舊存焉通典長平有頭顱山築臺於壘中因山爲臺志云長子南有長平關卽江豬嶺上有石如豬此說似誤左傳與華氏戰于豬邱後漢志陳國長平縣有豬邱水經注亦云蓋卽江豬嶺也正在魏之長平以云長子非是圖經云關蓋置於武紇嶺秦趙戰于長平趙兵敗白起追之至此嶺又縣西北二十里有漳澤驛長平北出道也

關與

本策秦攻趙藺離石祁拔章令衛胡易史作胡傷伐趙攻

國策地名考卷八

三

粵雅堂叢書

關與原注後志上黨涅有關與恩澤案黃儀云關與

有四水經注梁榆水逕梁榆城南卽關與故城也盧

征艱賦訪梁榆之盧郭弔關與之舊都趙奢破秦於此說本十三州志在今遼

州和順縣括地志關與聚今名烏蘇城在潞州銅鞮

縣西北二十里趙奢破秦軍處銅鞮今沁州郡國志

上黨涅縣有關與聚劉昭云史記趙奢破秦兵關與

在今武鄉縣隋地理志武安縣有關與山元和志在

縣西南五十里卽趙奢拒秦處武安屬今彰德府東

海公曰若在武安去邯鄲僅六十里何須卷甲而趨

二日一夜至乎即括地志說當以潞州爲是閻若璩曰涅

故城在武鄉縣西五十五里武鄉在沁州東北六十

里則涅在沁州之北矣關與又在涅縣西則在沁州

西北可知相去無幾正是一地此韓之關與也趙奢

列傳秦伐韓軍於關與趙世家惠文王二十九年秦

韓相攻而圍關與皆在此若和順關與則爲趙地始

皇本紀十一年王翦攻關與轅陽轅陽即今遼州和

順在州北九十里距沁州幾二百餘里自是兩邑魏

世家昔者魏伐趙拔關與秦本紀昭襄王三十八年

### 國策地名考卷八

三 粵雅堂叢書

胡傷攻趙關與即本策事皆在此方輿紀要以趙關與在今沁州雖屬兩

國而皆爲趙奢拒秦處故易混至武安之有關與則

唐人誤會史遷文義而言之括地志已知其非矣方輿

紀要以韓關與在今武安

### 武城

本策趙王封孟嘗君以武城章原注屬清河即下東

武城恩澤案以東武城爲孟嘗君所封似乎合理然

謂武城即東武城實說不去地理志定襄郡有武城

縣應劭曰定襄有武城故清河武城加東字元和志

並至則清河之有東武城正以定襄武城而名不得  
此說謂武城卽東武城也且趙東武城乃平原君封邑未  
必又以封田文今山西朔平府平魯縣西北塞外有  
漢武城故城在歸化城東南其田文封此與否固難決斷然  
定襄武城實在此地

國策地名考卷八

五

粵雅堂叢書

國策地名考卷九

歙 程恩澤纂

溧陽 狄子奇箋

趙下

上郡

同上常山章宜陽效則上郡絕原注并州郡正曰正

義云上郡在同州西北恩澤案漢志并州有上郡括

地志上郡故城在綏州上縣元和志作龍泉縣東南五十里

通典今綏鄜銀麟夏坊延丹等州地輿地廣記上郡

國策地名考卷九

一 粵雅堂叢書

今麟延安丹坊鄜銀夏綏德保安之地胡三省曰隋

唐之綏州延州秦漢之上郡地也此本魏地史記秦惠文王

十年魏納上郡十五縣正義而亦屬趙趙滅中山遷

其君於膚施即上郡縣也地理通釋亦以此章上郡屬趙後皆為秦

有今陝西綏德州有上郡城其地則綏德延安鄜州

皆是也張氏琦曰上郡當作上黨宜陽與上黨隔河

連近若上郡則遠矣

定陽

同上長子章恃其強而拔邯鄲西圍定陽原注屬上

黨恩澤案上黨蓋上郡之訛漢志上郡有定陽縣應

劭曰在定水之陽水經注黑水出定陽縣西山東南

流右合定水俗謂之白水今陝西延安府宜川縣西

北張氏釋地云在今陝西鄜州洛川縣北有定陽城與虜施相近又山西吉

州亦有定陽城乃後魏時所置

### 平都

本策秦召春平侯章故君不如遣春平侯而留平都

侯又見魏策原注皆趙人恩澤案地理志上郡有平

都縣正義曰輿地志平都縣在今新興郡此曹魏郡名非拓跋

### 國策地名考卷九

二 粵雅堂叢書

魏郡名也與陽周縣相近秦漢之陽周本在今陝西安定

縣後魏時移屬趙興郡為今甘肅正寧縣正義陽周今寧州羅

川縣據輿地志平都與陽周相近則其地當仍在安

定又今山西遼州西北七十里有平城廢縣志云卽

趙平都城趙簡子所立未知是否 趙惠文王三十

年章相都平君田單鮑本改作平都正曰都平卽安

平也本大事記今附於此

### 雲中

燕策燕太子丹質於秦章王翦將數十萬之眾臨漳

鄴而李信出太原雲中趙不能支秦必入臣原注趙

策并州郡補曰正義云雲中郡城在榆林縣東北今

勝州恩澤案地理志有雲中郡雲中縣匈奴傳趙武

靈王北破林胡樓煩自代並陰山在今歸化城北三十五里下至

高闕為塞置雲中通釋今勝州單于府之地雁門代郡水經注虞

氏記云趙武侯自五原河曲築長城東至陰山又於

河西造大城一箱不就乃改卜陰山河曲而禱焉晝

見羣鵠遊于雲中裴回經日見大光在其下乃即其

處築城今雲中城是也元和志雲中故城在榆林縣

### 國策地名考卷九

三 粵雅堂叢書

東北四十里括地志寰宇記並同史記趙武靈王北破林胡樓

煩所置秦因之冀州圖雲中周迴六十里北去陰山

八十里南去通漢長城百里即白道川也在原陽鎮北南北遠處

三百里近處百里東西五百里錢坵曰雲中城在今

陝西榆林府神木縣東北鄂爾都斯界內黃河東北

岸洪亮吉曰在今歸化城西後漢移置今代州崞縣

西南七十里

### 原陽

本策王破原陽以為騎邑章原注屬雲中恩澤案漢

志雲中郡有原陽縣水經注芒干水西南逕武皋縣

今殺虎口

又南逕原陽縣故城西在今朔平府右玉縣西

北邊城北

在歸化城西北

榆中

見上并關下原注屬金城

恩澤

案漢志金城郡有榆

中縣但此乃秦漢縣名非戰國之榆中也伍被傳廣

長榆開朔方注長榆在朔方即衛青傳所云榆溪舊

塞或謂之榆中始皇紀西北斥逐匈奴自榆中並河

以東屬之陰山以為三十四縣項羽紀蒙恬為秦將

國策地名考卷九

四

粵雅堂叢書

北逐戎人開榆中地數千里蘇林曰在上郡崔浩云

蒙恬樹榆為塞也水經注諸次水出上郡諸次山東

逕榆林塞又謂之榆林山即漢書所謂榆谿舊塞者

河水篇又以蒙恬所開榆中為金城郡屬縣說稍互異

括地志榆中勝州所治

榆林縣正義勝州北河北岸通典勝州榆林郡南即

秦榆林塞輿地廣記榆林縣東有榆林關

隋開皇三年置

胡

三省曰據衛青取河南地案榆林舊塞正在唐麟勝

二州界其西接古上郡之境道元牽合班志金城郡

之榆中縣反以蘇林為誤非是合諸說推之趙之榆

中自當在今陝西榆林府榆林縣邊城外其甘肅金  
縣之榆中故城則漢縣也

通典又謂榆中故城在蘭州五泉縣卽此

胡中

同上原陽章率騎入胡出於遺遺之門踰九限之固  
絕五徑之險至胡中辟地千里吳注胡中一本榆中  
世家二十年王西畧胡地至榆中正義云勝州所治  
榆林

此括地志文非史記正義也見上

恩澤案胡中卽榆中也據吳

以正義爲證則亦主榆林縣與鮑異義而不爲是正

未審厥指

國策地名考卷九

五

粵雅堂叢書

遺遺之門

九限

五徑

高本作徑

見上原注此門義取胡者古今所遺正曰無據而繆

恩澤

案顧祖禹曰今陝西榆林鎮

今爲榆林府

廢勝州

木縣邊外

北有榆溪塞漢曰廣長榆塞卽國策所云出于

遺遺之門踰九限之固絕五徑之險者也又蘇厲爲

齊遺趙惠文王書秦之上郡近扞關至於榆中者千

五百里亦卽此地

此據史記文與國策小異

雖非確詰而大意不

甚相遠也

無窮之門

同上昔者先君襄主與代交地城境封之名曰無窮  
之門所以詔後而期遠也恩澤案史記云遂至代北

至無窮胡三省曰自代北出塞外大漠數千里故曰

無窮引國策云云此說非是窮與終通莊子終髮即窮髮南荒地

無窮謂無終即左傳無終子國也漢志右北平郡有

無終縣其地相傳在今遵化州及玉田縣或曰在今薊州非是

薊州乃徐無非無終也顧炎武曰據漢書樊噲傳擊陳豨破得

綦母卬尹潘軍於無終廣昌今屬易州距玉田七百里餘里顧謂千有餘里稍

誤則其初境當在雲中代郡之間江永曰晉自荀吳

國策地名考卷九

六 粵雅堂叢書

敗無終及羣狄漸擴代北之地其後趙氏盡得代地

而無終之國乃在右北平是無終本與代鄰故曰遂

至代北至無窮策謂與代交地城境封之名曰無窮

之門正與史合無窮似即無終當在今直隸易州廣

昌縣

代

見上邯鄲下高注代屬趙恩澤案地理志幽州有代

郡又有代縣十三州志古代城在飛狐界在蔚州東南一百里

自飛狐縣北入媯州懷戎縣界即古飛狐口也寔宇

記代本北狄姜姓國周末強大在七國前稱王以今  
雲中馬邑五原安邊定襄皆為代國之北焉今山西  
大同府及代州之繁峙直隸宣化府及易州之廣昌  
皆其地非今代州也隋開皇五年始改  
雁門郡為代州

### 延陵

同上蔡皋狼章乃使延陵君高本作王按韓非子作  
生後乃訛為王字而鮑

又改將軍騎先之晉陽恩澤案地理志代郡有延陵

縣應劭曰在當城在今宣化  
府城南西北水經注延鄉水東

逕延陵縣故城北延音征史記趙世家延陵鈞徐廣

### 國策地名考卷九

七 粵雅堂叢書

注引此文說文攷部延行也从攷正聲諸盈切漢武

帝延和年號用此則延字從正不從疋與延陵異路

史乃謂延陵有五一在代即此一在綬三  
在江南竟以延陵

為延陵史記集解徐廣注亦云代郡有延陵縣即引  
韓子趙襄子事為證似古本有作延者姑識

子疎矣漢志右北平郡又有延陵縣或亦誤為延陵  
元和姓纂以趙襄子謀臣延陵正為延陵季

子之後尤誤錢坫曰延陵今宣化府萬全縣地洪亮吉曰

在大同府天鎮縣北邊牆外

### 三梁

魏策秦敗魏於華章初時惠王伐趙戰乎二梁原注

春秋秦取梁漢夏陽也河內當作南有梁周小邑也陳

留浚儀大梁爲三正曰索隱云三梁卽南梁史記作戰乎南

梁故索隱恩澤案二說皆非是鮑以三梁爲三地不

能轉戰於三處也吳以三梁卽南梁此韓地在今汝

州與趙遠不相涉水經注博水又東南逕三梁亭南

疑卽古勺梁也竹書紀年燕人伐趙圍濁鹿趙武靈

王及代人救濁鹿敗燕師于勺梁今廣昌東嶺之東

有山俗名之曰濁鹿邏城地不遠土勢相鄰以此推

之或近是矣路史國名紀引地理風俗傳扶柳西北

國策地名考卷九

八粵雅堂叢書

五十里有梁城故漢西梁縣也在今冀之南宮堂陽

鎮今在東鹿縣東北二說皆可存水經注尤近是

東垣

燕策蘇秦將爲從章不至十日而數十萬之眾軍於

東垣矣原注垣謂城正曰正義云東垣趙之東邑在

恆州真定縣南故常山城恩澤案地理志真定國真

定縣故東垣高帝紀八年擊韓信餘寇于東垣卽此

十三州志河東有垣故此加東在今直隸正定府正

定縣南八里又今河南新安縣東亦有東垣故城乃晉末所置寰宇記謂宋東垣縣在河清

縣西南二十五里疑卽此地

鄆

同上薄洛水章引水圍鄆原注屬常山補曰光武卽

位於此改高邑恩澤案左傳哀四年齊國夏伐晉取

鄆地理志常山郡有鄆縣郡國志高邑故鄆光武更

名說文鄆常山邑世祖所卽位今爲高邑徐廣主此說然

非今之高邑縣也高士奇謂卽今高邑非是今高邑縣乃漢房子

縣北齊天保七年移置至隋開皇十六年復於漢鄆

城南十八里改置柏鄉縣屬趙郡元和志云故鄆城

國策地名考卷九

九粵雅堂叢書

在柏鄉縣北二十一里是也寰宇記趙州平棘縣今

入趙有鄆城史記魏无忌救趙趙孝成王爲築此城

趙世家武靈王三年卽城鄆今名故城鎮卽此地在今直隸趙州

柏鄉縣北二十二里高作十二里左傳晉師在救鄆之間杜

史記作鄆顧棟高曰當爲臨晉平陽間邑俱非一地

河閒

見上邯鄲下案見秦

東陽

同上邯鄲章東陽河外不戰而已反爲齊矣又齊策

國子曰章絕趙之東陽原注屬清河恩澤案地理志

清河郡有東陽縣括地志東陽故城在貝州歷亭縣

界河北岸元和志在縣西十八里輿地廣記恩州歷

亭縣漳南鎮本漢東陽縣今為河間府故城縣地與

山東恩縣接境但此乃漢後縣名非趙之東陽也馬

融三傳異同說見水經注曰晉地自朝歌以北至中山為

東陽朝歌以南至軹為南陽杜預曰東陽晉之山東

魏郡廣平以北王氏曰自漢以前東陽大抵為晉太

行山東地非有城邑也楚漢之間始置東陽郡則東

### 國策地名考卷九

十  
粵雅堂叢書

陽亦廣矣大約今直隸大名廣平順德等府皆是左傳

東陽凡四見趙勝帥東陽荀吳畧東陽在今晉州晏弱城東陽在今臨朐吳師克東陽在今賸縣均與此

別有

### 鉅鹿

見上扞闕下原注冀州郡恩澤案漢志鉅鹿郡有鉅

鹿縣注引山海經曰大陸之水史記紂盈鉅橋之粟

許慎云鉅鹿之大橋也應劭曰鹿林之大者又云即唐虞之

大麓似未可信顏氏家訓大麓一名呂氏春秋天下

九數鉅鹿其一淮南即今廣阿澤也胡渭曰呂覽既云趙有鉅鹿又

云晉有大陸其地爲漢大陵縣陸疑陵字之訛按左傳魏舒田于大陸在修武吳澤卽晉南陽地非大陸也淮南高誘注以爲卽此師古已斥之

元和志大陸澤在鉅鹿縣西北五十里爾雅正義引作五里疑誤按元和志有四大陸通典有兩大陸皆各就所在言之寰

宇記澤東西二十里南北三十里一名沃州在鉅鹿

縣西北五里今在新河寧晉之交又跨據深州東鹿

隆平鉅鹿諸州縣俗名北泊亦曰胡蘆河其鉅鹿故

城則今順德府平鄉縣也

### 沙邱

同上又秦策應侯曰章平原君自以賢名顯於天下

### 國策地名考卷九

十一 粵雅堂叢書

然降其主父沙邱而臣之原注鉅鹿有沙邱亭恩澤

案沙邱有三有紂之沙邱有主父之沙邱有始皇之

沙邱又夏桀亦有沙邱在安邑始皇本紀始皇三十七年崩于沙

邱平臺徐廣曰趙有沙邱宮在鉅鹿武靈王死處地

理志紂所作沙邱臺在鉅鹿縣東北七十里又云趙

地薄人眾猶有沙邱紂淫亂餘民水經注沙邱臺紂

所成也趙武靈王與秦始皇並死於此則趙之沙邱

卽紂與始皇之沙邱也寰宇記萊州掖縣有沙邱城紂所造始皇崩處又衛縣北

四十里苑城有沙邱臺俗稱妲己臺括地志沙邱臺

又冀州阜城縣亦有沙邱皆出附會

在邢州平鄉東北二十里元和志同今同

番吾

見上河下原注常山有蒲吾恩澤案地理志常山郡

有蒲吾縣郡國志同括地志番吾故城在恆州房山縣東

二十里元和志同今爲正定府平山縣但番吾本非蒲吾

六國表作鄱吾亦與蒲吾字異正義云番音婆又音盤亦以蒲吾爲誤吳氏從之且蘇秦張

儀俱云涉河踰漳據番吾迎戰邯鄲之下平山在邯

鄲正北三百餘里秦若由懷慶渡河由彰德踰漳而

來固萬萬不必至平山張儀連橫章上文有軍於澠池句則由懷慶一路無疑

國策地名考卷九

十一 粵雅堂叢書

卽由蒲津渡河由澤潞踰漳而至邯鄲亦無庸繞道

平山也惟出井陘口則可然迂道涉險決無是理方輿紀要載一說云番

吾卽今廣平府之磁州在邯鄲正南七十里此乃秦

自河漳至邯鄲必經之路當從之秦攻趙有兩道見魏策魏將與秦攻

韓章俱由磁州而不由平山

剛平

同上長子章亦收餘甲而北面殘剛平墮中牟之郭

原注見秦策剛平趙地缺趙成侯四年築剛平以侵衛

五年齊魏爲衛取我剛平皆不注正曰正義云蓋在

河北恩澤案下云藉力魏而有河東之地則剛平當

在趙之河東蓋本衛地而趙取之秦策云築剛平衛無東野後又

屬衛也顧祖禹曰今直隸大名府清豐縣西南有剛

平城

### 河東

齊策蘇秦謂齊王曰章有濟西則趙之河史作阿東下有國字

東危原注趙河之東非郡也恩澤案鮑謂非河東郡

甚是但其地不知所在張氏琦曰濟西今荷澤鄆城

壽張之地趙河之東今臨清以西趙之邊邑也由濟

### 國策地名考卷九

三 粵雅堂叢書

西推之當在今直隸清河元城大名南樂清豐等處

凡在漳河之東者皆是

### 武安

秦策蘇秦始將連橫說秦惠王曰章封爲武安君高

注武安趙邑今屬廣平補曰正義云潞州武安縣恩澤

案漢志魏郡有武安縣徐廣曰在邯鄲西括地志澤

故城在武安縣西南七里元和志作五里今在河南彰德府

武安縣西南十里而直隸磁州亦其地高注謂在廣平蓋據地望

言之其實前後志俱屬魏郡至晉乃屬廣平正義謂在潞州亦誤武安唐武德元年屬紫州四年屬磁州

六年屬洛州永泰元年又屬  
磁州天祐三年改名惠州 趙先以封蘇秦後又以

封牧 見本

### 鄴

見上雲中下原注鄴屬魏郡 恩澤 案鄴本齊桓公所

置管子築五鹿中牟鄴以衛諸夏 國語作蓋 與牡邱 是也後

屬晉魏文侯七年得其地改曰魏 故後世 稱魏郡 尋復為鄴

西門豹為鄴令是也後又與趙趙世家悼襄王六年

魏與趙鄴是也漢志魏郡有鄴縣 說文 同 故大河在東

北太行山在西北蓋要地也 帝王世紀 縣西南有上 司馬殷太甲嘗居焉

### 國策地名考卷九

古

粵雅堂叢書

元和志故城在鄴東五十步今在河南彰德府臨漳

縣西二十里

### 平陽

本策平原君謂平陽君曰章 恩澤 案此平陽即在鄴

縣郡國志魏郡鄴縣有平陽城竹書紀年梁惠成王

元年敗邯鄲師于平陽史記始皇十三年桓齮攻趙

敗趙將扈輒于平陽即此括地志平陽故城在相州

臨漳縣西二十五里胡三省曰正義以此為河東之

平陽非是 或曰左傳衛侯飲孔悝酒于平陽即此按 杜注東郡燕縣有平陽亭今在衛輝府滑

縣東南五十里廢韋縣西二十里似非一地括地志又云在貝州歷亭縣界亦誤 今臨漳縣

西二十五里有平陽城 距鄴五里

### 蕩陰

魏策秦圍趙之邯鄲章止於蕩陰不進原注屬河內

恩澤 案漢志河內郡有蕩陰縣蕩水東至內黃澤有

羨里西伯所拘也水經蕩水出河內蕩陰縣西山東

酈注云出縣西石尚山泉流逕其縣故城南縣因水

以取名也章懷太子曰蕩陰今相州縣今彰德府湯

陰縣西南有蕩陰城 蕩一作湯

### 國策地名考卷九

五 粵雅堂叢書

### 中牟

見上剛平下原注屬河南趙獻侯自耿徙此正曰此

據地理志瓚及索隱以為非正義云中牟趙邑在相

州蕩陰縣西有牟山邑在山側 恩澤 案吳說是也 詳見

春秋正義 晏子春秋晏子之晉至中牟韓非外儲說

史記集解 晉平公問趙武曰中牟三國之股肱邯鄲之肩髀水

經注魏徙大梁趙以中牟易魏皆此中牟在河北之

證距今開封府之中牟縣數百里 晉志以滎陽郡中牟為趙都亦誤

曹之升曰河北之險莫如鄴次即中牟以有漳水之

之固又與鄴相近亦一都會也此春秋時衛走邯鄲之道以左氏衛侯將如五氏卜過中牟推之舊說甚確五氏在今邯鄲西南今湯陰縣西五十里有

中牟城

### 朝歌

魏策魏將與秦攻韓章若道河內倍鄴朝歌絕漳溢

之水而以與趙兵決勝於邯鄲之郊原注見秦策朝歌

屬河內恩澤案漢志河內郡有朝歌縣紂所都居南

有牧野北有邶國又東有雍城即左傳雍榆南有寧鄉即國策甯地衛為狄

所滅更封于河南曹楚邱而河內殷墟更屬於晉括

### 國策地名考卷九

去粵雅堂叢書

地志故城在衛州東北七十二里通典在衛州衛縣

西二十二里寰宇記同今衛輝府淇縣北關西社有朝歌

城在濬縣西南七十里

### 黎

同上闕與章請內焦黎牛狐之城以易藺離石祁於

秦原注東郡有黎即黎陽恩澤案黎有四一在今山

西潞安府壺關縣黎本國也郡國志上黨郡壺關有

黎亭故黎國是注云文王戡黎即此按路史謂文王所戡之黎史記作阮即伊耆之耆與

此異一在今黎城縣晉所重立之黎國也郡國志潞縣

東北十八里故黎國是隋志括地志明一一在今山

東曹州府鄆城縣黎侯寓衛地也地理志東郡有黎

縣是一在今河南衛輝府濬縣地理志魏郡有黎陽

縣是此以焦黎並稱當在黎陽鮑以東郡之黎即黎陽謬甚晉灼

曰黎山在其南河水逕其北其上碑云縣取山之

名取水之陽以為名也水經注今黎山東北故城蓋

黎陽縣之故城也元和志其城本春秋時衛之新築

錢坫曰式微泥中毛云邑名當在其處今按水經

注魏濮陽郡治土地汙下城居小阜疑即泥中在今

國策地名考卷九

七粵雅堂叢書

開州南開州之西南即濬縣之東北然非一地

牛狐之城

見上原注地缺恩澤案漢志東郡有離狐縣在今曹

州與黎相近未知是否

河內

見上朝歌下原注見秦策屬司隸正曰正義云即懷州

也在南河之北西河之東東河之西恩澤案河內有

指懷慶言者地理志河內郡懷縣莽曰河內是也有

指衛輝言者左傳銳師伐河內杜注今河內汲郡是

也有指彰德言者史記史起引漳水溉鄴以富魏之  
河內索隱大河在鄴東故名鄴爲河內是也此河內  
與鄴連文蓋指彰德言其實大河以北凡三府之地  
皆河內也

修武

見上邯鄲下高注修武趙邑今屬河內鮑同

恩澤案

漢志河內郡有修武縣本商之甯邑韓詩外傳武王  
伐紂勒兵於甯改名修武韓非子秦昭王越趙長平  
而攻修武修武之名已久矣應劭謂秦始皇更名

徐廣

國策地名考卷九

六

王隱並同非是今爲懷慶府修武縣

郡國志又有小修

武聚晉灼曰在縣東南十五里今名北修武故城在  
縣北

李下

韓非子作李下

同上邯鄲章軍乃引退并於李下高注在河內鮑注

趙封李同之父於此

恩澤

案郡國志河內平輿縣有

李城水經注秦攻趙邯鄲傳舍吏子李同帥其徒赴

秦軍秦軍退同死封其父爲李侯

見平原君列傳

卽此城也

於城西南爲陂水淹地百許頃兼葭萑葦生焉號曰

李陵今在懷慶府温縣正義曰懷州温縣本李城也李同父所封隋煬帝從故温

城移縣於此然謂李下卽此尙未可信

### 河外

見上東陽下又本策張儀爲秦連橫說趙王曰章韓魏而軍於河外原注滹沱河之外正曰卽清河補

曰正義云謂鄭滑州北臨河恩澤案兩河外自是兩

地見秦策者與齊鄰當是清河或漳滏等河見本策

者與韓魏鄰則大河也凡河南懷衛等處屬趙地者

皆是見一東境一南境也

見

### 國策地名考卷九

九粵雅堂叢書

### 焦姚云一作應

見上黎下原注宏農郡有焦城恩澤案漢志宏農陝

縣故虢國有焦城故焦國水經注上陽虢大城中有

小城古焦國也惟謂神農之後則不然左傳焦姬姓

括地志陝縣有故焦城周同姓國也路史注召公子

譙侯之舊國故城在陝州東北百步則此焦乃姬姓

確有明據蓋古焦國有二神農之後路史以爲黃帝後蓋誤在

譙郡譙焦古通今爲安徽亳州若此則姬姓也正義謂先封神農之後後封姬姓非是

今陝州南釋地辨證二里有焦城因焦水

為名與曲沃相近

什

同上句注意反三公什清于趙原注張儀塞什谷之

口當屯畱之道則什近屯畱恩澤案史記張儀列傳

塞什今本作斜蓋誤谷之口郡國志注引此作戰國策徐廣曰一作尋成

皋鞏縣有尋口水經注洛水入河之處清濁異流亦

名什谷元和志洛水東經洛汭北對琅邪渚入河謂

之洛口亦名什谷張儀所云卽此今鞏縣北有鄆谷

水亦謂之什谷但什谷原未必卽此章之什而以爲

國策地名考卷九

三 粵雅堂叢書

近屯畱亦誤屯畱距鞏縣四五百里中隔懷澤不可

云近

清

見上原注後志中牟注有清口趙地也恩澤案郡國

志河南尹中牟縣有清口水卽左傳閔二年鄭人爲

之賦清人也但此中牟非趙之中牟前人已有成說

而以爲趙地恐未可信

三公徐廣曰一作王公

見上原注公字疑誤安定有三水朔方有三封勃海

有三戶皆近趙恩澤案郭仲產言宛城南三十里有

三公城寰宇記魏收地形志范陽郡固安縣有三公

臺此固非趙地且係後世事水經注引王隱晉書地道記

趙國元氏縣有三公山則趙地也然亦未知是否

此句史作反至分先俞於趙正義至分即陘山先俞

即西隄也正義西先古同音其說本不可曉姑附列於此

望諸

燕策昌國君樂毅章趙封以為望諸君原注史趙封

毅以觀津號望諸君索隱云望諸澤名在齊蓋趙有

國策地名考卷九

三粵雅堂叢書

之故號焉恩澤案職方氏青州澤曰望諸禹貢作孟

豬地理志梁國易被引作沛郡非是睢陽盟諸澤在東北呂覽注作

東南或謂之孟都亦曰孟諸史記作明都詩譜作明豬其

實一也呂氏春秋天下九藪孟諸其一即此元和志

望諸澤周迴五十里在宋州虞城縣西北十里寰宇

記虞城孟諸澤俗呼為湄台蓋澤中有台也胡渭曰爾雅水

草交曰麋麋古湄字台蓋以孟諸之麋得名 胡三省曰望諸本齊地毅自

齊奔趙趙人以此號之本其所從來也今為河南歸

德府虞城縣爾雅正義作商邱縣江永曰今商邱虞城屢被河決故迹無存蓋本宋

地而齊取之趙輔燕破齊或者分得其地亦未可知其實毅所封地在觀津望諸特其號耳非地也似與望諸澤無涉

伊是

鮑作氏

齊策國子曰章齊取淄鼠魏取伊是高注伊是趙邑

鮑注地缺

恩澤

案地理志梁國有己氏縣郡國志屬

濟陰郡

晉志屬濟陽郡

注引皇覽曰有平和

水經注作利

鄉鄉有

伊尹冢崔駰曰殷帝沃丁之時伊尹卒葬于薄卽此

豈卽此所云伊是

是氏古通地理志至元孫氏爲莊公師古曰是與氏同古通用字又

### 國策地名考卷九

三

粵雅堂叢書

見後漢書李雲傳注

歟外惟上黨郡有猗氏縣晉改爲寄氏或以音近而訛

### 淄鼠

見上高注趙邑鮑注地缺今無考

### 許

韓策秦圍宜陽章公何不與趙藺離石祁以質許地

原注許韓地趙嘗取之質易地也正曰藺離石祁不

聞屬韓許亦與趙遠恐有缺文以質許地者質音費

而許之地也

恩澤

案燕策云秦欲攻韓下云已得宜

陽少曲致蘭離石則蘭離石屬韓策有明文不可云  
未聞是時趙地南至河外距許亦不甚相遠或嘗取  
之亦未可定故仍主鮑說而列其地於此詳見韓魏  
葉陽

魏策葉陽君約魏章原注趙人惠文十三年云封李  
兌則葉陽君兌之封乎補曰葉卽奉之訛恩澤案葉  
陽非趙地當以舊說爲是

### 濟東三城

本策燕封宋人榮奩高陽君章趙王因割濟東三城

### 國策地名考卷九

三

粵雅堂叢書

合原作盧高唐平原陵地城市邑五十七命以與齊

恩澤案三城今俱屬濟南府其實皆在濟北長清今在濟南

然古稱濟北盧縣疑水道更變而曰濟東者趙自濟西觀之則皆在

濟水之東也

### 盧

見上原注屬泰山恩澤案左傳尋盧之盟杜注盧齊

地今濟北盧縣地理志泰山郡有盧縣淮南王傳云國除爲北安

縣則其始不名盧也郡國志屬濟北國寰宇記故城在長清縣

南十五里顧祖禹曰今在濟南府長清縣西南二十

五里錢坫作二十里戰國時謂之博陽以在博關南也洪亮吉曰

今沂水縣西南亦有廢盧縣蓋又一地

### 高唐

見上原注屬平原恩澤案漢志平原郡有高唐縣杜

預曰在祝阿縣西北寰宇記在禹城縣南五十里史路

同又云在章邱非是今在濟南府禹城縣西南一作北四十里

洪亮吉日高唐故邑在今縣南漢縣在今縣西二地雖殊界實相近卽齊威王使盼子

所守之地趙肅侯六年拔之見史記其在章邱者乃高

齊天保七年所置今之高唐州則漢靈縣故地也

國策地名考卷九 二五 粵雅堂叢書

### 平原

見上原注屬青州案見秦

### 東武城

本策秦攻趙章君無覆軍殺將之功而封以東武城

恩澤案地理志清河郡郡國志作清河國有東武城縣正義

貝州武城縣外城七國時趙邑寰宇記蓋以定襄有

武城同屬趙故此加東也錢坫曰東海郡南成卽南武城也故此云東按此說

非是魯自有東武城晉太康年去東字今地志俱云後魏去東字

今山東臨清州武城縣西十里有東武城故城卽平

原君封邑也 方輿紀勝謂在直隸清河縣蓋地相接也

扇城

秦策濮陽人呂不韋章秦子異人質於趙處於扇城

高注趙邑鮑注地缺補曰字書無扇字龍龕手鑒云

音脚 恩澤 案策札 黃不烈著 史記呂不韋傳正義引此作

聊則當為今東昌府聊城縣但今正義本仍作扇豈

據國策改之耶

乘邱

魏策楚許魏六城章齊遂伐趙取乘邱原注屬泰山

國策地名考卷九

五 粵雅堂叢書

補曰正義云乘邱故城在兗州瑕 原作邱縣西北 恩安誤

澤 案泰山郡之乘邱 在今兗州府滋陽縣西北十里 乃春秋魯敗宋

師處非趙之乘邱也趙乘邱在今曹州府曹縣東北

五十里郡國志濟陰郡乘氏侯國高士奇曰此國策

所云趙乘邱也以下云虛頓邱危推之其說確不可

易若在滋陽則遠相涉矣 應劭地理風俗記以濟陰乘氏為宋邑博物志亦云

惠棟主之非是水經注又謂趙乘邱在太山郡亦非

廬陵

本策馮忌為廬陵君謂趙王曰章原注孝成母弟見

趙記今無考

長安

本策趙太后新用事章必以長安君為質原注索隱云趙亦有長安今地缺按趙世家封長安君以饒正義云即饒陽也明長安是號恩澤案正義又云以長安善故名此條本可不錄因索隱以為地名故載之負親之邱

本策張孟談既固趙宗章而耕於負親之邱原注趙地缺今無考

國策地名考卷九

三 粵雅堂叢書

華屋

同上武安章見說趙王於華屋之下高注華夏華屋錢劉作屋夏屋華山名言趙王屋清高似山也鮑注華高麗也恩澤案夏屋山名一名賈屋在今山西代州東北

六十里與句注相連趙世家襄子嘗北登夏屋竊疑肅侯或遊於此故蘇秦自燕聞之由宣化大同而來

見於此山之下也華夏賈並聲相近玩策文摩燕鳥集闕句

可見 又今直隸完縣有夏屋城水經注蒲水又東

流逕夏屋故城實中險絕是也然此乃燕地見竹書

紀年

鑿臺

同上榆次章殺智伯瑤于鑿臺之上高注晉陽下臺名鑿地作渠以灌晉陽城因聚土為臺而止其上故曰鑿臺鮑注在榆次恩澤案郡國志太原郡榆次縣有鑿壺卽鑿臺也新序引作水經注榆次縣洞澗水側有鑿臺智伯瑤刳腹絕腸折頸摺頤之處在今榆次縣南或作四十里

訛門

國策地名考卷九

三

粵雅堂叢書

同上平原津章趨甚疾出訛門也原注元作訛改作

諺別

恩澤

案文選東京賦注諺門冰室門也段玉裁

曰諺門卽宣陽門也門內有宣陽冰室故名說文周

景王作洛陽諺臺蓋謂諺門之臺也諺者諺之或體

亦侈大之意晉書載記劉曜傳諺門且空註謂別門

也陸雲與兄書曹公有諺堂唐書韋宏機傳列岸諺

廊互王城外然則諺門當是別門之侈大者其曰冰

室門則專就洛陽言耳字彙補訛與諺同高本作訛

疑誤

九門

史記正義索隱後漢書注並引戰國策東城九門本  
有宮室以居趙武靈王改爲九門恩澤案漢志常山

郡有九門縣趙世家惠文王二十八年罷城九門大

城正義恆州九門縣城也寰宇記鎮州東三十里有

九門縣今在正定府藁城縣西北二十五里劉昭注引國策

云碣石山在縣界今無

大陸

春秋後語引戰國策武靈王游大陸夢處女鼓瑟恩

國策地名考卷九

三 國雅堂叢書

釋案趙世家武靈王十六年游大陸夢處女鼓瑟而

歌卽此是也疑是誤引漢志太原郡有大陵縣徐廣曰一作陸水

經注云呂氏春秋謂之大陸又名之曰嘔夷之澤俗

謂之鄔城泊括地志大陸城在并州文水縣北元和志作

北十三里今在太原府文水縣東北二十里或作二十五里

卽左傳晉祁氏平陵城也

國策地名考卷九

譚瑩玉生覆校

齊家起世家武靈王十六年游

歌卽此是也疑是誤引漢志太原郡有大陵縣一作陸水

經注云呂氏春秋謂之陸一作陸又名之曰嘔夷之澤俗

謂之郛城一作郛城在并州文水縣北元相志作

北十三里辭縣東北二十里或作二十五里

卽左傳晉郛氏平陵城也



國策地名考卷九

譚瑩王士復校